



ZHONGGUO JIUWENXIAN  
SHIWEN JICHENG

# 中国酒文献诗文集

第四册

宋辽金元酒诗文集二

李修余

彭贵川

胡春秀

编著

 中国文史出版社



ZHONGGUO JIUWENXIAN  
SHIWEN JICHENG

# 中国酒文献诗文集

第四册

宋辽金元酒诗文集二

李修余

彭贵川

胡春秀

编著



中国文史出版社

## 宋如璋

宋如璋，字南仲，蜀人。登崇宁五年（1106）进士第，授新津尉。

### 乞官员酌酒受爵宜跪奏

凡祠祭奠币，读祝官皆跪，太官酌酒，献官受爵，不跪。谓宜跪酌跪受，以尽严事之宜。（一九五七年中华书局缩印本《宋会要辑稿》礼一四之六七）

## 胡安国

胡安国（1074—1138），又名胡迪，字康侯，号青山，学者称武夷先生，福建省武夷山市人。绍圣四年（1097）第进士，哲宗亲擢第三。为太学博士，旋提举湖南学事，后迁居衡阳南岳。卒谥文定。提倡修身为学，主张经世致用，重教化，讲名节，轻利禄，憎邪恶。

### 时政论（节录）

又如榷酤法已极弊，尚仍旧贯，不亟改更，何也？略以道州言之，课额既高，岁有亏欠，即抑勒专知牙校，令兼管州仓，俾因受纳取足税民，弊可见也。又以邵阳言之，酒课约二万余贯，而岁折税米为糯凡六千石，每斗中价约五百足，只此一色，已几倍费，其他未论也。比虽行下诸处会计，而州县往往利此为造弊之端，不以实闻。何不断在必行，令逐路应系官盐酒务，许百姓众共买扑，入纳净利收官务，递年所费米麦等拨归朝廷，专充赡军费用，还所得净利与转运司及本州县支使。利济公私，以活百姓，使稍安业，不至为盗，长纳二税，存国家大利之源也。夫琴瑟不调，甚者必解而更张之，乃可鼓也；为政而不行，甚者必变而更化之，乃可理也。惟陛下早更弊法，以幸天下。则百姓安堵，邦本固矣。（文渊阁四库全书本《历代名臣奏议》卷四十七）

## 谢薖

谢薖（1074—1116），字幼槃，号竹友，临川（今属江西抚州）人，逸弟，工诗文，时称“二谢”，亦为江西诗派诗人之一。尝为漕司首荐，省阅报罢。终身励行，不为世俗所污。以琴棋诗酒自娱。著有《谢幼盘文集》十卷、《竹友词》一卷。

### 题顾凯之醉道士图

虎头痴绝自不痴，丹青妙处手得之。石岩戏画幼舆子，酒狂更貌黄冠师。一人坐睡真被酒，二人杯杓不停手。一人回面愁不醺，二人直视开笑口。上有醉墨书者谁，翰林手题独酌诗。题诗真识

醉时味，画图如写诗中意。珍藏不换一斛珠，李诗顾笔今世无。（续古逸丛书景宋刊本《谢幼盘文集》卷三）

## 碧筒

君不见韩潮州，银作饮盏夸工倕。镌花镂松太琐碎，何言豪士亦尔为。又不见六一翁，尝吟鸚鵡红螺诗。华堂一醕岂不乐，清歌劝酒须蛾眉。吾侪山人宁有此，竞折圆荷为饮器。细倾初作露珠圆，满引忽惊云液碎。鼻中寂寂闻妙香，舌本徐徐识真味。采莲当馥花当妓，岂有登临百金费。安得城西十顷塘，水光容裔暑风凉。时引碧筒如象鼻，仍看翠盖立霓裳。（同上卷三）

## 饮酒

世故不料理，万事付一樽。呼宾陈肴藪，乃尔不惮烦。秩筵初严冷，稍稍笑语喧。有如邹子律，能回寒谷温。朱颜挽不住，雪鬓日夜繁。人生行乐耳，恇也亦至言。哀哉独醒人，憔悴拾兰荪。宁知阿堵中，端有妙理存。（同上卷三）

## 陶渊明写真图

渊明归去浔阳曲，杖藜蒲鞋巾一幅。阴阴老树啜黄莺，艳艳东篱粲霜菊。世纷无尽过眼空，生事不丰随意足。庙廊之姿老蓬蒿，环堵萧条仅容膝。大儿顽钝懒诗书，小儿娇痴爱梨栗。老妻日暮荷锄归，欣然一笑共蜗室。哦诗未遣愁肝肾，醉里呼儿供纸笔。时时得句辄写之，五言平淡用一律。田家酒熟夜打门，头上自有漉酒巾。老农时问桑麻长，提壶挈榼来相亲。一尊径醉北窗卧，萧然自谓羲皇人。此公闻道穷亦乐，容貌不枯似丹渥。儒林纷纷随溷浊，山林高义久寂寞。假令九原今可作，举公蓝舆也不恶。（同上卷四）

## 田父招饮不赴

万钱供食如嚼蜡，百壶载酒如饮水。要知自古穷达人，脱略世味皆如此。经旬不逢南邻伴，曲肱聊寄北窗底。田父剥喙扣我门，颇应昨夜灯花喜。殷勤揽衣谢父老，陶令爱酒今朝止。伏雌可杀葵可羹，他日薄饭招邻里。吾君恭俭似文帝，勿为酒醪伤谷米。（同上卷四）

## 和李智伯病中书事四首（选一首）

老去惊诗笔退，愁生唯怕酒肠枯。尊前学得新翻曲，早晚挥杯幸见呼。（同上卷五）

## 次韵智伯寄茶报酒三斗

欢伯风流可解忧，疑君此外更何求。拣芽投我真抛却，不是诗人薛许州。（同上卷六）

## 送酒与晏如居士二首

南人酿酒诧深红，注瓦真成琥珀浓。与药相投莫宜此，急分多病晏如翁。

此翁曾把春偿酒，醉插姚黄更乞花。多病只今犹解饮，细倾聊为遣生涯。（同上卷六）

## 游安乐寺陈妙音载酒

绕郭寻春未见花，不知春在梵王家。林间新翠张裙幄，席上残红当脸霞。兴逸持杯睨云汉，饮酣挥翰走龙蛇。主人不是陈惊座，投辖归时日已斜。（同上卷六）

## 饮酒示座客

身前不吝作虫臂，身后何须留豹皮。劬劳母氏生育我，造化小儿经纪之。牙筹在手彼为得，块石支头吾所师。偶逢名酒辄径醉，儿童拍手云公痴。（同上卷七）

## 寄题长沙高善时醉月堂

乱山岑秀绕湘坟，君筑茅堂底处村。蛮国戈矛真梦幻，醉乡风露别乾坤。平生不负南楼兴，何日能同北海尊。聊欲挥毫书楚些，凭君招取独醒魂。（同上卷七）

## 山间四首（选一首）

举案齐眉老孟光，隐居无计可须忙。残年但使糟床注，亦付生涯与醉乡。（同上卷七）

## 从陈妙音觅酒二首

雪窗痴坐拨寒灰，万斛清愁扫不开。排遣此怀将底物，凭君催送曲生来。  
长恐闺人抱颈羞，何当更脱鹔鹑裘。试烦郎子倾家酿，不用平原老督邮。（同上卷七）

## 代柬仲彝索酒

月色皎如许，其如无酒何。从君觅一斗，午夜泛金波。（影印《诗渊》册一页一二九）

## 王安中

王安中（1076—1134），字履道，号初僚，中山阳曲（今山西太原）人。元符三年（1100）进士。调瀛洲司理参军、大名县主簿，历秘书省著作郎。政和间，除中书舍人，擢御史中丞。疏蔡京罪，为翰林学士，迁承旨。宣和元年（1119）拜尚书右丞，三年为左丞。靖康初，贬随州、象州安置。高宗即位，内徙道州，寻放自便。有《初僚集》七十六卷，已佚。清四库馆臣据《永乐大典》辑为八卷。

## 张公作高阳醇酎送幕中杨时可作诗 成亦得酒而瀛涿又将熟杨复垂涎次杨韵

平生顾建康，名下难为人。见其似者喜，敢复圣贤分。元侯惟曲蘖，好赐均无贫。萍官新荐熟，莲幕先饮醇。坐令染指客，诗语生冤亲。柑黄松小苦，赋笔久埃尘。何时获瀛涿，更可调阳春。（清乾隆翰林院钞本《初寮集》卷二）

## 杨时可屡游朱氏园昨日方一载酒甚乐因次韵言其事

溪上桃花如有语，怨君前日只空回。径须留客车投辖，相与浇愁酒漉醅。我自马曹聊复尔，谁忧儿辈觉追陪。王郎醉墨题名处，尚有余尊可再来。（同上卷二）

## 谢赐酒果等札子

臣伏蒙圣恩，特降御笔，赐臣酒、果、双角、龙茶等，臣已望阙祇受讫。伏念臣寒乡下士，分甘藜藿，致身崇显，积有空殒之愧。抚师绝塞，去国踰年，鄙无远谋，以赞圣略。攻苦食淡，当先士卒，敢期渊眷，曲示宠绥。宝翰焜煌，好赐分郁，上方珍御，沾逮新邦，帝所钧天，恍迷昔遇。捧挹之余，感涕交并。仰惟君父隆天厚地之恩，乐与臣子均甘推食之意，不忘孤外，有此蕃锡。谨当捐躯粉骨，上报生成。（同上卷三）

## 谢赐御制酒樽诗表状

臣伏蒙圣恩，以臣近进《神霄降圣酒尊诗》，特赐御笔圣制诗并序，俯同元韵者。天亲有德，诞开挹注之祥；帝庸作歌，申锡时几之敕。光生黼室，感极危衷。恭惟皇帝陛下接统三皇，应元九会，位履以刚中正，体乾以纯粹精。和同则无间于天人，乃圣而不可知者；昭回则为章于云汉，盖焕乎其有文焉。兹者荐蕊殿之婴香，下琳霄之景驭。其鞶不改，但余元放之诸垆；所饮几何，宁止蔡经之百石。猥缘宠眷，获与伟观。仍因上达之芜音，曲示俯同之宝制。天地之有大巧，虽莫得以名言；日月之照容光，遂益明于趋向。臣敢不奉为大训，守以闾宗？神动天随，誓永依于妙道；雷声龙见，愿更纪于真游。臣无任。（同上卷三）

## 谢赐生日羊酒面表 一

臣某言：间史书年，兹剧劬劳之感；饗官致饩，更叨优渥之私。焜耀有殊，震惶靡措。中谢。伏念臣少知嗜古，长昧向方，偶膺宅俊之求，亟践疑丞之任。陈谋每下，徒招浮食之讥；旷日既多，重识包荒之度。敢图隆眷，俯记始生？矜其霜露之思，转以云天之泽。此盖伏遇皇帝陛下宠绥近列，率吁庶常，若时好赐之所加，不以罔功而辄废。洎亲有禄，嗟莫遂于素心；教子以忠，誓弗愆于慈训。臣无任。（同上卷四）

## 谢赐生日羊酒面表 二

臣某言：伏蒙圣慈，以臣生日，特降诏书，赐臣羊、酒、米者。左弧六射，方怀顾复之初；细

札十行，式示匪颁之渥。载惟焜耀，弥切震惶。中谢。伏念臣迹本鞮单，学非通博。授经摘句，少独费于母勤；行己莅官，长更烦于父诲。误叨殊奖，骤列近司。君亲临之，幸灼知于小谅；日月出矣，愧绝跂于清光。敢谓始生，猥蒙垂记！此盖伏遇皇帝陛下仁先毓物，礼备养贤，眷其风木之思，假以露萧之泽。禄焉弗泊，尚奚事于家为；躯也可捐，固莫忘于国尔。臣无任。（同上卷四）

## 翟汝文

翟汝文（1076—1141），字公巽，润州丹阳（今江苏丹阳）人。元符三年（1100）登进士第，初为礼局编修官，宋徽宗嘉之，除秘书郎。后责监宿州税，旋召除著作郎，迁起居郎。高宗时任翰林院学士兼侍读，升参知政事，因与秦桧不合，在任仅两月。汝文之文久佚，清代修《四库全书》，馆臣从《永乐大典》辑得《忠惠集》十卷。

### 监在京曲院韩容转朝奉郎制

朕用爵列，以为赏罚褒功，庸以劝能实之士，顾以与人谁毁谁誉哉。汝举所职，能不乏事，苟应陟法，则赏随之。（文渊阁四库全书本《忠惠集》卷四）

### 邓洵仁尚酝奉御制

朕嘉有夏之德，惟菲于饮食，亦惟旨酒是恶。朕用不腆于饮诰，戒庶邦庶士无彝酒。尔以笃谨，典司乃事，其深识朕意。昔周人以酒正设于天官，听于小宰，其任重矣。朕肇新六尚之选，加重所职，尔谨乃官守，以称名实。（同上卷四）

### 明堂牺尊款识

维政和乙未某月甲子，帝初作合宫，肆尚见帝，升侑圣考，作牺尊，用裸皇天，申锡帝祉，永绥受命。（同上卷十）

### 圜丘牺尊款识

帝考古象物，制器维则，作牺尊，用享于宗祏。子子孙孙，其永保承。（同上卷十）

### 山罍铭 一

维政和乙未某月甲子，帝明禋于世室，右我烈考，作山罍荐鬯。惟帝万年，永承天休。（同上卷十）

### 山罍铭 二

帝稽古作宋器，贡金九牧，始用山罍于嘉享。子子孙孙，其永保承。（同上卷十）

## 山壘铭 三

帝昭事于宗祧，作山壘荐享，右我先后，其歆于永世。（同上卷十）

## 何 远

何远（1077—1145），字子楚，一字子远，号韩青老农，福建浦城人，去非子。平居不仕，唯好学，所交游多名士。绍兴十五年卒，年六十九。著有《春渚纪闻》十卷，《韩奉议鹦歌传》一卷。

## 甌酒借书

杜征南《与儿书》言，昔人云：“借人书一痴，还人书一痴。”山谷《借书诗》云“时送一鸱开锁鱼”，又云“明日还公一痴”。常疑二字不同。因于孙愐《唐韵》五之字韵中“甌”字下注云：“酒器大者一石，小者五斗，古借书盛酒瓶也。”又得以证二字之差。然山谷鸱夷字必别见他说。当是古人借书，必先以酒甌通殷勤，借书皆用之耳。（明津逮秘书本《春渚纪闻》卷五）

## 酒 谑

宗室赵子正监永静军，耽酒嗜书札，而喜人奉己。有过客执觚而前，正遇赵于案间挥翰自得，客自旁视再三，而叹美其妙。赵举首视之，曰：“汝亦知书耶！”客曰：“小人亦尝留心字画，切观太保之书，虽王右军复有不及者。”赵诟之曰：“汝玩我耶！”曰：“某尝观法书云，王书一字入木八分，今太保之书，一落笔则入木十分，岂不为过于右军耶？”坐人皆赏其机中，为之绝倒。赵亦笑而遣之。（同上卷五）

## 牛 酒 帖

先生在东坡，每有胜集，酒后戏书以娱坐客，见于传录者多矣。独毕少董所藏一帖，醉墨澜翻，而语特有味，云：“今日与数客饮酒，而纯臣适至。秋热未已，而酒白色，此何等酒也？入腹无脏，任见大王。既与纯臣饮，无以侑酒。西邻耕牛适病足，乃以为炙。饮既醉，遂从东坡之东直之出，至春草亭而归，时已三鼓矣。所谓春草亭，乃在郡城之外。是与客饮私酒，杀耕牛，醉酒逾城，犯夜而归。又不知纯臣者是何人，岂亦应不当与往还人也？”（同上卷六）

## 颜几圣索酒友诗

钱塘颜几字几圣，俊伟不羁，性复嗜酒，无日不饮。东坡先生临郡日，适当秋试，几于场中潜代一豪子刘生者，遂魁送。举子致讼，下几吏。久不得饮，密以一诗付狱吏送外间酒友云：“龟不灵身裊有胎，刀从林甫笑中来。忧惶囚系二十日，辜负醺酣三百杯。病鹤虽甘低羽翼，罪龙尤欲望风雷。诸豪俱是知心友，谁遣尊壘向北开？”吏以呈坡，坡因缓其狱，至会赦得免。后数年，一日醉卧西湖寺中，起题壁间云：“白日尊中短，青山枕上高。”不数日而终。（同上卷六）

## 释怀深

释怀深（1077—1132），号慈受，俗姓夏，寿春六安（今属安徽）人。年十四祝发受戒。靖康间住灵岩尧峰院。

### 枯髅酒色财气颂（四首选一首）

枯髅爱酒醉魂在，罗列杯盘手自斟。酩酊一生心似曲，想君作鬼也昏沉。（续藏经《慈受怀深禅师广录》卷三）

## 叶梦得

叶梦得（1077—1148），字少蕴，苏州吴县人。绍圣四年（1097）登进士第，历任翰林学士、户部尚书、江东安抚大使等官职。晚年隐居湖州弁山玲珑山石林，故号石林居士，所著诗文多以石林为名。卒后追赠检校少保。梦得为北宋末年、南宋前半期起先导和枢纽作用的重要词人，开拓了南宋前期以“气”入词的词坛新路。梦得诗文原有《石林总集》一百卷，久佚，今仅存《建康集》八卷，《石林词》一卷等。

### 久不饮酒厨人献白醪却之

老大无堪百不能，年来但可饮三升。斋厨何用须佳酿，莫遣征南误见称。（旧钞本《建康集》卷一）

### 章几道将归小饮怀谢城父

中年甚畏别交亲，况复云山旧结邻。涧谷何时同笑语，干戈已老更风尘。少留对榻聊分坐，多病持杯漫几巡。贾傅长沙知健否，洞庭波浪渺无津。（同上卷一）

### 小饮示幕府

边书日夜急，王旅方徂征。我非刘越石，长啸徒登城。缅想豺与虎，行当筑鲸鯨。传车日边来，风雷走天声。黄旗三面至，捷奏纷纷横。天险限南北，长江正东倾。诸君亦良苦，唾口争请纓。谁云凌烟阁，自昔无书生。卮酒安足辞，勉当建雄名。（同上卷一）

### 戏方仁声四绝句（选一首）

水槛新开似浣花，傍溪须更作浮槎。祇应屡费王弘酒，时要清樽对落霞。（同上卷二）

## 诸幕府见和复答二首（选一首）

欲眠遣客笑吾真，爱酒空床羨汝邻。归计口甘从短帽，倦涂何止畏奔轮。高车不用三千客，净社须期十八人。尚许一樽仍破戒，黄柑催酿洞庭春。（同上卷二）

### 临江仙 与客湖上饮归

不见跳鱼翻曲港，湖边特地经过。萧萧疏雨乱风荷。微云吹尽，散明月，堕平波。

白酒一杯还径醉，归来散发婆娑。无人能唱采菱歌。小轩敲枕，簟檐影，挂星河。（明刻宋名家词本《石林词》）

### 江城子 登小吴台小饮

生涯何有但青山。小溪湾。转潺湲。投老归来，终寄此山间。茅舍半欹风雨横，荒径晚，乱榛菅。

强扶衰病上巉巖。水云闲。伴跻攀。湖海苍茫，千里在吴关。漫有一杯聊自醉，休更问，鬓毛斑。（同上）

### 浣溪沙

睡粉轻消露脸新。醉红初破玉肌匀。尊前留得两州春。

剩挽雕盘欹醉帽，重催飞骑走红尘。十年兰苣笑骚人。（同上）

### 临江仙

唱彻阳关分别袂，佳人粉泪空零。请君重作醉歌行。一欢须痛饮，回首念平生。

却怪老来风味减，半酣易逐愁醒。因花那更赋闲情。鬓毛今尔耳，空笑老渊明。（同上）

### 临江仙 癸卯次葛鲁卿法华山曲水劝酒

山半飞泉鸣玉佩，回波倒卷粼粼。解巾聊濯十年尘。青山应却怪，此段久无人。

行乐应须贤太守，风光过眼逡巡。不辞常作坐中宾。只愁花解笑，衰鬓不宜春。（同上）

### 雨中花慢 寒食前一日小雨牡丹已将开与客置酒坐中戏作

痛饮狂歌，百计强留，风光无奈春归。春去也，应知相赏，未忍相违。卷地风惊，争催春暮雨，顿回寒威，对黄昏萧瑟，冰肤洗尽，犹覆霞衣。

多情断了，为花狂恼，故飘万点霏微。低粉面、妆台酒散，泪颗频挥。可是盈盈有意，只应真惜分飞。拼令吹尽，明朝酒醒，忍对红稀。（同上）

## 水调歌头

何处难忘酒，朱夏日偏长。湖山地胜潇湘，十里芰荷香。柳外新蝉惊晚，楼上疏帘重翠，簟枕晚生凉。纨扇摇霜月，曲水泛流觞。

流年去，今古梦，几千场。虚名浮利，输却几许好时光。幸有碧云深处，存取朱颜绿鬓，流落又何妨。莫厌人间世，频入醉中乡。（文渊阁四库全书补配文津阁四库全书本《花草粹编》卷十八）

## 乞量添酒钱等奏

宣和之初，以东南用兵，尝设经制司，取量添酒钱及增收一分税钱、头子、卖契钱等。取之于微而积之于众，求之于所欲而非强其所不欲，故酒价虽高，未有驱之使必趣饮者也；税额虽增，未有迫之使必为商者也。其他类此。而靖康初，相继遽罢。欲望博延群议，更加讨论，经制钱除量添酒钱，近已再行拨充造船外，其余名色有似此等，可以暂济急阙，不至害民者，愿参取施行之。（一九五七年中华书局缩印本《宋会要辑稿》食货六四之八四）

## 王汝明

王汝明，徽宗时尝知瑞安府。政和间历两浙路转运判官、转运使。

## 言楚州公使库酒亏损官利事奏

准御笔，楚州公库造酒出卖，寄造为名，令虞候于小店货卖，官利日亏。其余州军类皆如此。（一九五七年中华书局缩印本《宋会要辑稿》食货二一之一八）

## 赵煦（宋哲宗）

赵煦（宋哲宗）（1077—1100），神宗第六子。初名侗，授检校太尉、太平军节度使，封均国公。元丰五年（1082）迁开府仪同三司、彰武军节度使，进封延安郡王。八年立为太子，是年三月即位，年仅十岁。太皇太后高氏垂帘听政，改元元祐，召司马光、吕公著为相，贬逐新党，尽罢新法。元祐八年（1093）九月太皇太后崩，始亲政，改元绍圣，以绍述神宗新法为名。遂罢免宰相范纯仁等，追夺司马光等谥，以章惇为相，起用曾布、蔡卞等执政，于是熙丰新法渐次恢复。在位十六年，年号三：元祐、绍圣、元符。

## 赐内东门司坐甲等茶酒钱诏

内东门司坐甲、内侍省使臣、殿前指挥使人员及内外创添巡检守把捉门兵级、亲从、亲事官，并赐茶、酒、钱有差。（中华书局校点本《续资治通鉴长编》卷三五三）

## 诚约宗室外戚臣僚之家不得犯酒禁诏

宗室、外戚、臣僚之家违犯酒禁，如累及三次，并勾收槽杖。（中华书局校点本《续资治通鉴长编》卷四七二）

## 宗室犯私酒坐律诏

宗室犯私酒，尊长应取旨者，止坐本位同祖尊长；尊长自犯，即坐本官同祖尊长。（同上卷四七六）

## 酒务年终课利增额依元丰赏给诏

府界并诸路酒务年终课利增额，并依元丰赏给。（一九五七年中华书局缩印本《宋会要辑稿》食货二〇之一一）

## 造酒事诏

应熙宁五年以前不造酒州军，及外处有公使钱不造酒官司，并依熙宁编敕石数内州军减外，不及一百石者，许造一百石，元不及者依旧，不得例外特送，违者坐之。（同上食货二一之一七）

## 韩粹彦等请添差人管勾使人在路州军酒食答诏

更不自京差内官并祇应人等，只委本处令佐管勾排办，令府界提点司官提举点检。其合差祇应人等，许于本处并邻近县系将不系将下禁军内选差。合用器皿陈设什物之类，令府界提点司别行置造，本处置库收掌，应约束排办等，并依河北、京西路州军条例。（中华书局校点本《续资治通鉴长编》卷四九六）

## 龚况

龚况，生卒年不详，字浚之，自号起隐子，昆山（今属江苏）人。明之叔。宋徽宗崇宁五年（1106）进士。官终祠部员外郎，左朝议大夫。著有《起隐集》，已佚。

## 咏刘伶

逃名以酒转名高，醉里张髯骂二豪。日月已为吾户牖，何妨东海作醇醪。（清知不足斋丛书本《中吴纪闻》卷五）

## 魏邦哲

魏邦哲，政和时昆山（今江苏昆山）人，乡贡进士。

### 言楚州公使库酒亏损官利事奏

准御笔，楚州公库造酒出卖，寄造为名，令虞候于小店货卖，官利日亏。其余州军类皆如此。（一九五七年中华书局缩印本《宋会要辑稿》食货二一之一八）

## 苏元老

苏元老（1078—1124），字子廷，号九峰，眉山（今属四川）人。苏轼从孙。崇宁五年（1106）进士。著有《九峰集》，已佚。

### 重阳述怀

屋前寒雀作饥声，老大都因节物惊。九日纵弃经夕饮，百年能病几番醒。白衣于我似无旧，黄菊对人偏有情。醉里高歌开口笑，世间名利一毫轻。（文渊阁四库全书补配文津阁四库全书本《岁时杂咏》卷三十七）

## 程俱

程俱（1078—1144），字致道，号北山，衢州开化人。以外祖尚书左丞邓闰甫恩补官，宣和二年（1120）进颂赐上舍出身。高宗时为秘书少监，时有司文书，例从省记，俱摭三馆旧闻，比次为书，名曰《麟台故事》，上之，擢中书舍人，兼侍讲。后除徽猷阁待制，秦桧荐领史事，力辞不就。天性伉直，其在掖垣，凡命令下，有不安心者，必反覆言之，不少畏避。其为文典雅闲奥，为世所称。有《北山小集》四十卷。

### 山中对酒（乙酉）

秋容澹青山，爽秀雨皆足。清溪照千仞，空翠疑可掬。何年顾兔窟，桂子堕山腹。老香散深林，屑玉缀黄粟。朝来客衣动，一叶下空谷。客心如芥丝，日月共烦促。胸中尚磊块，陶写赖新录。要当酒千钟，浇我愁万斛。顾有独醒人，修然倚枯木。（四部丛刊续编景宋写本《北山小集》卷一）

## 和傅冲益冬夜独酌用柳子厚饮酒诗韵

忽忽岁晚晚，幽怀寄芳樽。及兹寒夜永，写我忧思烦。放杯独长谣，翕如负晴暄。那知曲身直，但觉冰肠温。遥思石亭林，玉雪今正繁。安能松窗下，捻须哦五言。须君寻昔游，攀梅撷兰荪。胜事难重得，悠然空默存。（顷与冲益游，义兴诸山间，甚适。石亭林有梅数百株，胜绝）（同上卷二）

## 同赵奉议离吴兴江仲嘉与其兄 仲举送百余里醉中戏作此句一首

大江饮酒如浇灰，小江纵酒颠如雷。扁舟相送不道远，百二十里云帆开。云亭老人穷不死，故园茅屋荒苍苔。阖庐城中一亩地，已辨瓮牖锄蒿莱。吴兴上佐吾党士，十年纵赏西王台。眉间黄色袷彩服，拖楼长啸春风回。要须酩酊酬此别，不离万顷添金杯。明朝相望即湖海，纵有美酒何为哉。（同上卷四）

## 得白菌引酒径醉（郊居岁暮）

春霖接岁寒，鲑菜已久索。谁持王轮菌，侑我金凿落。安知老瓦盆，平昔滋味薄。得此径陶然，朱颜忽如昨。（同上卷六）

## 谢江仲举惠酒（乙酉）

山城无物可忘忧，但有平原病督邮。知我囊中无白水，烦君若下出青州。芳甘未谢三年酝，傲兀能消万古愁。会待东郊春意动，鸣鞭乘兴草堂游。（同上卷九）

## 观王君玉侍郎集有酒明诗次韵

簿领青州掾，风姿曲秀才。长烦拍浮手，持赠合欢杯。屡舞回风急，传筹白羽催。深惭偃师氏，端为破愁来。（同上卷九）

## 丁巳九日携酒要叔问登通道门楼而江彦 文寄玉友适至因用己未岁吴下九日诗韵作

凉秋风物正清华，极目高楼不见花。老境固知无乐事，醉乡聊欲寄生涯。银钩远寄清桐滑，玉液亲题赤印斜。笑引壶觞成一醉，歌筵遥想鬓堆鸦。（同上卷十）

## 庭菊烂开招子我共赏而空无酒饮闻瓜洲酒美 遣酤数升殆如灰汁戏作三绝句因以酬九月四日戏赠之作

怪囊不瘦空四壁，只有黄花如散金。急遣蓝舆唤居士，饮溪餐菊对幽吟（楚词：夕餐秋菊之落

英。孟郊诗云：日暮饮溪三两杯）。

葡萄余沥不到我，买酒得浆翻自嗟。安得长江化为酒，亦分春色到贫家（酒有洞庭春色）。

疥痒终非腹心疾，身如空聚任爬搔。恶酒未应胜茗饮，消忧聊以永今朝（时子我方苦疥痒不饮）。（同上卷十一）

## 唐三隐贤赞（节录）

王绩无功，绛州龙门。不喜拜揖，简放绝尘。发名贤科，廉洁孝悌。不乐居朝，去为县吏。四海云扰，网罗在天。有田十六顷，在河渚间。结庐北渚，著书东皋。种黍酿酒，子光是交。武德之初，待诏门下。良酝可恋，竟以疾罢。乐史善酿，求为乐丞。史死遂去，述酒作经。刺史愿见，答曰奈何，坐召君平。托无心子，机士见问。笑而不应。豫知终日，自志其墓，卓哉先生！（同上卷十六）

## 题醉学究图

是诸众生，或醉或醒，或老或稚。或喧或静，或嗔或喜。或猴而冠，或鬼而睡。或奋拳而斗，或戟手而罨。或笑而道之，或挽之使止。情炎内焚，风力更炽。不知其然，孰主张是。或偶而杖，或拜而跪。昏奴于前，胡卒以礼。如一机抽，如群优戏。菩提海中，等一幻翳。（同上卷十七）

## 李光

李光（1078—1159），字泰发，一字泰定，号博物居士，越州上虞（今浙江上虞）人。徽宗崇宁五年（1106）进士，调知开化县，移知常熟县。累官至参知政事，因与秦桧不合，出知绍兴府，改提举洞霄宫。绍兴十一年（1141），贬藤州安置，后更贬至昌化军。秦桧死，内迁郴州。绍兴二十八年（1158），复左朝奉大夫。绍兴二十九年（1159），致仕，行至江州卒，年八十二。宋孝宗即位后，赠资政殿学士，赐谥庄简。《宋史·艺文志》载《李光前后集》三十卷，原本已佚。清四库馆臣自《永乐大典》辑出十八卷，曰《庄简集》。

## 有嘉堂酒寄吴令

今晨有好怀，薄日照窗牖。幽人不可致，谁共一杯酒。邻翁有远饷，分寄中山友。欢伯信可人，曲生亦耐久。岂比从事君，开缄化乌有。独酌还径醉，千篇莫停手。应思水边人，竹屋杂蜚叟。（文渊阁四库全书本《庄简集》卷一）

## 中秋谢彦恭惠酒

中秋有佳月，名酝来海康。海康太守贤，怜我持空觞。远分十具至，呼儿唤邻墙。坐客尽饮流，一举空罍缸。酒酣对明月，不藉灯烛光。移席俯清流，照我两鬓霜。海北与海南，各在天一方。我老归无期，两地遥相望。宴坐桃榔庵，守此岁月长。愿子一咄嗟，跨空结飞梁。度此往来人，鱼盐变耕桑。篱边白衣来，莫待菊蕊黄。（同上卷一）

## 载酒堂

东坡文章喧宇宙，粲如日星垂不朽。六一老人犹避路，作者纷纷皆束手（欧公见东坡文叹曰：老夫当避路，放他出一头地也）。俊逸精神追李杜，华妙雄豪配韩柳。晚年流落海南村，黎唱蛮讴随蜚叟。先生已去五十年，遗墨残篇尚多有。丰城宝剑埋狱中，光焰犹能射牛斗。败垣坏壁秘蜗涎，夭矫龙蛇已惊走（东坡真迹多为有力者取去，所存但摹本耳）。独余黎氏旧园亭，乔木森森免薪樗。半是东坡亲手植，老干樛枝互缠纠。杖藜乘兴访遗像，遐想英风竚立久。曾吹葱叶送迎翁，当日儿童今白首（子云之子，今六十余矣，东坡所谓小童即此人也）。莫嗟寂寂路荒芜，亦有幽人时载酒。（同上卷二）

## 次曾敦史会秀野诗韵（二首选一首）

握手相逢醉别筵，兴酣真是饮中仙。一枰聊欲观成败，三盏何劳辨圣贤。老去不传巫峡梦，夜来频咽玉池泉。鉴湖自昔多清赏，结约芒鞋上钓船。（同上卷四）

## 寄内

予学道无力，每世虑纷扰，辄竟夕不寐，间因士友相过，悠然数酌，即投床酣寝。始觉此物乃有大功，故入冬以来无夕不饮。仆兵往来，流传稍过，妻孥辈遂以书相戒，以此诗寄之。

学道参禅久不成，惟将曲蘖破愁城。三杯径醉客已去，一枕未回天欲明。长羨篱边元亮醉，谁怜泽畔屈原醒。瓮头浊酒须多酿，准拟归来细细倾。（同上卷五）

## 二月三日作真率会游载酒堂呈坐客（二首选一首）

郊外初闻黄栗留，仲春风物渐和柔。杀鸡炊黍成真率，挈榼携棋得胜游。聊欲劝君终日醉，未须悲我十年流。朝来已换轻衫窄，酒尽何妨典破裘。（同上卷五）

## 二月九日北园小集烹茗弈棋抵暮坐客及予皆沾醉 无志一时之胜者今晨枕上偶成鄙句写呈逢时使君并坐客

胜日邀朋醉北园，森森乔木欲参天。更无粉色污尊俎，只有琴声敌管弦。腊酒旋开浮绿蚁，春芽初破瀹新泉。欲修禊事清明近，曲水流觞拟晋贤。（同上卷五）

## 玻璃碗（并序）

仆之谪居藤原作澄，据院本改江也，吴元预适寓水东，时时往来，忽一日告别，仍以玻璃碗见赠，意则厚矣。然仆方宴坐一室，空诸所有，日食不过饭一盂尔，间或散策郊外，遇田夫野叟饮辄醉倒，何用是宝器哉。因戏成小诗，复还其碗。

独醒难招楚些魂，时从蜚叟醉蛮村。兴来不假玻璃碗，自有随身老瓦盆。（同上卷六）

## 九月二十八日枕上

年来心气苦怔忡，永夜长忧百虑攻。赖是床头有清圣，一杯扶到五更钟。（同上卷六）

十月三十天气重阴门巷萧然乏酒不能招客邻人酿酒适熟  
而梁军判周主簿芋学录不约而至洗盏更酌喜而成诗以示坐客

火冷灯青正寂寥，夜寒风劲酒香飘。隔墙知是邻醅熟，踏雨沾泥不待招。（同上卷七）

## 昨以酒熟邻士皆来戏作小诗而国干 和章独未至今日天气温和再成鄙句促之

朝来风静冻云消，帘静窗明瓦不飘。鸦叫三声干鹊喜，故应知我有嘉招。

星河湛湛夜寥寥，闭户微闻麝篆飘。况有南邻爱酒伴，兴来不假楚辞招。（同上卷七）

### 摘句

三爵沉酣陶令酒，一奁成败谢公棋。（同上卷五《次前韵》）

村市更无沽酒客，小楼时见卷帘人。（同上卷五《八月十六夜江边对月》）

腊酒旋开浮绿蚁，春芽初破淪新泉。（同上卷五《逢时使君并坐客》）

不辞美酒十分劝，欲听佳人一曲歌。（同上卷五《移具访逢时坚白堂》）

## 刘一止

刘一止（1079—1160），字行简，湖州归安（今浙江吴兴）人。宣和三年（1121）进士，为敕令所删定官。绍兴初，召试馆职，历任秘书省校书郎、监察御史、中书舍人兼侍读等。为人冲淡寡欲，不附和议，遭秦桧嫉恨，以“迎合李光”罪名罢职。为文不事纤刻，诗风朴实自然。亦能词。著有《苕溪集》五十五卷。

## 家侄季高作诗止酒戏赋二首

渊明出从仕，务亦计林田。一朝倦束带，唾弃如飘烟。无酒每从人，兹事若可怜。醉来便逐客，卿去我欲眠。了知此贤胸，醒醉皆超然。胡为遽止酒，而作止酒篇。此身役万物，不使一物偏。有偏即是累，任性皆非圆。我樽可忘酒，我琴故无弦。携琴玩空樽，惟我乐也天。

### 又

渊明赋止酒，止酒未尝止。今朝诗固云，从此真止矣。我观他日诗，说酒特未已。必饮诚有累，必止亦非理。无如作病何，聊用忘忧耳。得失定相半，随过无彼此。何为我阿咸，深拒坚壁垒。子言故多师，乌有与亡是。独此止酒诗，字字如信史。恐子昧圆通，未究真止义。尝观诸世